

12 二二五

濕家病、身上疼痛、發熱面黃而喘、頭痛、鼻塞而煩、其脉大、自能飲食、腹中和無病、病在頭中寒濕、故鼻塞、內藥鼻中、則愈。

13 二二六

病者一身盡疼、發熱、日晡所劇者、此名風濕。此病傷於汗出當風、或久傷取冷所致也。

14 二二七

太陽中熱者、喝是也。其人汗出惡寒、身熱而渴也。

15 二二八

太陽中喝者、身熱疼重、而脉微弱、此以夏月傷冷水、水行皮中所致也。

16 二二九

太陽中喝者、發熱惡寒、身重而疼痛、其脉弦細芤遲、小便已、洒洒然毛聳、手足逆冷、小有勞、身即熱、口開、前板齒燥。若發汗、則惡寒甚。加溫鍼、則發熱甚、數下之、則淋甚。

辨太陽病脉證并治上 第五 合二十六法方二十四首

太陽中風、陽浮陰弱。熱發汗出惡寒、鼻鳴乾嘔者、桂枝湯主之。第一。 五味前有太陽病十一證

太陽病、頭痛、發熱、汗出、惡風者、桂枝湯主之。第二。 用前方

太陽病、項背強几几、反汗出惡風者、桂枝加葛根湯主之。第三。 七味

太陽病、下之後、其氣上衝者、桂枝湯主之。第四。 用前方下有一太陽壞病證

桂枝本為解肌、若脉浮緊、發熱、汗不出者、不可與之。第五。 下有酒客不可與桂枝證

喘家、作桂枝湯、加厚朴、杏子。第六。 下有服湯吐膿血證

太陽病、發汗、遂漏不止、惡風、小便難、四肢急、難以屈伸、桂枝加附子湯主之。第七。 六味

太陽病、下之後、脉促、胸滿者、桂枝去芍藥湯主之。第八。 四味

若微寒者、桂枝去芍藥加附子湯主之。第九。 五味

太陽病、八九日如瘧狀、熱多寒少、不嘔、清便自可、宜桂枝麻黃各半湯。第十。 七味

太陽病、服桂枝湯、煩不解、先刺風池、風府、却與桂枝湯。第十一。 用前方

服桂枝湯、大汗出、脉洪大者、與桂枝湯。若形似瘧、一日再發者、宜桂枝二麻黃一湯。第十二。 七味

服桂枝湯、大汗出、大煩渴不解、脉洪大者、白虎加人參湯主之。第十三。 五味

太陽病、發熱惡寒、熱多寒少、脉微弱者、宜桂枝二越婢一湯。第十四。 七味

服桂枝、或下之、頭項強痛、發熱無汗、心下滿痛、小便不利者、桂枝去桂加茯苓白朮湯主之。

第十五。 六味

傷寒脉浮、自汗出、小便數、心煩、微惡寒、脚攣急、與桂枝、得之便厥、咽乾、煩躁、吐逆、作甘草乾薑湯與之。厥愈、更作芍藥甘草湯與之、其脚伸。若胃氣不和、與調胃承氣湯。若重發汗、加燒鍼者、四逆湯主之。第十六。

甘草乾薑湯芍藥甘草湯并調胃承氣湯四逆湯並三味

1 太陽之為病、脉浮、頭項強痛而惡寒。

2 太陽病、發熱、汗出、惡風、脉緩者、名為中風。

3 太陽病、或已發熱、或未發熱、必惡寒、體痛、嘔逆、脉陰陽俱緊者、名為傷寒。

4 傷寒一日、太陽受之。脉若靜者、為不傳。頗欲吐、若躁煩、脉數急者、為傳也。

5 傷寒二三日、陽明、少陽證不見者、為不傳也。

6 太陽病、發熱而渴、不惡寒者、為溫病。若發汗已、身灼熱者、名風溫。風溫為病、脉

陰陽俱浮、自汗出、身重、多眠睡、鼻息必鼾、語言難出。若被下者、小便不利、直視、

失溲。若被火者、微發黃色、劇則如驚癇、時瘳瘵。若火熏之、一逆尚引日、再逆促命

期。

7 病有發熱惡寒者、發於陽也。無熱惡寒者、發於陰也。發於陽、七日愈。發於陰、六日

愈。以陽數七、陰數六故也。

8 太陽病、頭痛至七日以上自愈者、以行其經盡故也。若欲作再經者、鍼足陽明、使經不

傳則愈。

9 太陽病欲解時、從巳至未上。

10 風家、表解而不了了者、十二日愈。

11 病人身大熱、反欲得衣者、熱在皮膚、寒在骨髓也。身大寒、反不欲近衣者、寒在皮膚、

熱在骨髓也。

12 太陽中風、陽浮而陰弱、陽浮者、熱自發。陰弱者、汗自出。當發惡寒、淅淅惡風、翕

翕發熱、鼻鳴乾嘔者、桂枝湯主之。方一。

〔桂枝湯方〕

桂枝 二兩
去皮

芍藥 二兩

甘草 二兩
炙

生薑 二兩
切

大棗 十二
枚 擘

右五味、㕮咀三味、以水七升、微火煮取三升、去滓、適寒溫、服一升。服已須臾、
 歔熱稀粥一升餘、以助藥力、溫覆令一時許、遍身絪絪微似有汗者益佳。不可令如水
 流離、病必不除、若一服汗出病差、停後服、不必盡劑。若不汗、更服、依前法。又
 不汗、後服小促其間、半日許令三服盡。若病重者、一日一夜服、周時觀之、服一劑
 盡、病證猶在者、更作服。若汗不出、乃服至二三劑。禁生冷、粘滑、肉麵、五辛、
 酒酪、臭惡等物。

13 太陽病、頭痛、發熱、汗出、惡風、桂枝湯主之。方二。用重第一方

14 太陽病、項背強几几、反汗出惡風者、桂枝加葛根湯主之。方三。

〔桂枝加葛根湯方〕

葛根四兩 麻黃二兩 芍藥二兩 生薑三兩 甘草二兩 大棗十二枚 桂枝二兩

右七味、以水一斗、先煮麻黃、葛根、減二升、去上沫、內諸藥、煮取三升、法滓、
 溫服一升。覆取微似汗、不須啜粥、餘如桂枝法將息及禁忌。

出瘧風、而方中麻黃、恐非本意也。第三卷有葛根湯證云、無汗惡風、正
 與此方同、是合用麻黃也。此云桂枝加葛根湯、恐是桂枝中但加葛根耳。

臣瓊按、謹按仲景本論、太陽中風自汗
 用桂枝、傷寒無汗用麻黃、今論云汗

15 太陽病、下之後、其氣上衝者、可與桂枝湯、方用前法。若不上衝者、不得與之。四。

16 太陽病三日、已發汗、若吐、若下、若溫鍼、仍不解者、此為壞病、桂枝不中與之也。

觀其脉證、知犯何逆、隨證治之。桂枝本為解肌、若其人脉浮緊、發熱、汗不出者、不
 可與之也。常須識此、勿令誤也。五。

17 若酒客病、不可與桂枝湯、得之則嘔、以酒客不喜甘故也。

18 喘家、作桂枝湯、加厚朴、杏子佳。六。

19 凡服桂枝湯吐者、其後必吐膿血也。

20 太陽病、發汗、遂漏不止、其人惡風、小便難、四肢微急、難以屈伸者、桂枝加附子湯
 主之。方七。

〔桂枝加附子湯方〕

桂枝三兩 芍藥三兩 甘草三兩 生薑三兩 大棗十二枚 附子一枚

去皮

芍藥

甘草

生薑

大棗

附子

一枚

破八片

右六味、以水七升、煮取三升、去滓、溫服一升。本云桂枝湯、今加附子、將息如前
 法。